

KONTROL MOZIOA

EH Bildu udal taldeko zinegotzi Zigor Etxeburua Urbizuk, Udaltzaren Organo Araudiko 98. artikulua oinarri hartuta, mozio hau aurkeztu du Udaltzaren azter dadin. Mozioa 2022ko ekainaren 13an Zerbitzu Orokorteko Batzordean aztertutako interpelazioaren ondorioa da.

JUSTIFIKAZIOA

Udaleko Erne sindikatuak jakinarazi duenez, aldi baterako agenteak kontratatuko ditu Udal Gobernuak, 2022ko udan dituen beharrei aurre egiteko, baina euskaraz gaituta ez dauden agenteak hartuko omen dira, Arkautiko akademiak berriz ere ez duelako bermatuko eskainiko dituen aldi baterako langileek euskara gaitasuna izango dutenik.

Gogoan izan behar da, aurretik ere, agintaldi honetan bertan, beste bi alditan gertatu dela gauza bera: 2019an eta 2021ean. Aurreko aldietan, Euskara Zerbitzuak adierazi izan du kontratazio berrietan ezarri beharreko derrigortasun dataren indizeak Udaltzainoak duen berbera izan behar duela (%92,86); iaz, ordea, behin-behineko udaltzainen % 14k bakarrik izan zuen eskatutako hizkuntza eskakizuna.

Kontuan izatekoa da salbuespenez onartu izan duela Udal Gobernuak aldi baterako agente horiek hizkuntza gaitasunaren betekizuna ez betetzea, baina Euskara Zerbitzuaren aldeko txostena eta Hizkuntza Normalizazioaren Batzorde Teknikoaren oniritzia behar diren arren Udalaren lan poltsetarako irizpideak aldatzeko, ez dituela ez bata ez bestearen aldeko txosten edo iritzirik bildu.

Hiri Segurtasuneko zinegotziak batzordean berretsi zuen Polizia eta Larrialdietako Euskal Akademiako bitartekoen poltsa bakarretik egiten direla kontratazioak, hitzarmena baitauka Udalak erakunde horrekin, baina poltsa horretan ez dutela izangai guztiek eskatutako hizkuntza eskakizunik. Egoera hori ez errepikatzeko kudeaketarik egin ote zuen galdetuta, zinegotziak azaldu zuen "pertsonek" hitz egin zuela Arkautiko akademiako arduradunekin, baina ez dutela euskaraz gaitutako aski agenterik. Zinegotziak adierazi zuen, baita ere, Donostiako Udala behartuta dagoela hitzarmena betetzera, agente berrientzako nahitaezkoa den trebakuntza berezitu Arkautik besterik ezin baitu eskaini.

Hitzarmenak jasotzen duenez, aldi baterako "langile horiek alde aurretik hautatu, prestatu eta gaituko ditu Polizia eta Larrialdietako Euskal Akademiak (...) kalitatea eta eraginkortasuna bermatuz" (Klausulak, lehena). Gainera, aldean betebeharrak zehaztuta, hitzarmenak adierazten du Akademiak hautagaien prestakuntza gauzatuko duela, eta Udalak uko egingo diola lan poltsak antolatzeari, eta modu eskusiboan baliatuko dituela "Segurtasun Sailaren poltsako bitarteko langileak" (Klausulak, hirugarrena). Gauzak horrela, batzordean adierazi genion Udal Gobernuari urtez urte salbuespenaren bidea baliatu behar izateak auzitan uzten dituela bai Udalean Euskararen Erabilera Normalizatzeko plangintza bera, bai Udalak eta Polizia eta Larrialdietako Euskal Akademiak hitzartuta duten akordioa ere.

EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus

Horregatik, galdetu genion Udal Gobernuari zer dela eta ez duen aztertu zerbitzu juridikoekin, indarrean dagoen ala ez Udalak Polizia Akademiarekin duen hitzarmena, ikusita Arkauti ez dela betetzen ari lan poltsetarako adostutakoa. Zinegotziak berretsi egin zuen Arkauti ez dela betetzen ari lan poltsetarako adostutakoa.

Horiek horrela, honako hau da behean sinatzen duen zinegotziak aurkeztutako KONTROL MOZIOA:

KONTROL MOZIOA

- 1.- Donostiako Udaltzabazak hertsatuki eskatzen dio Udal Gobernuari zerbitzu juridikoekin azter dezala Udalak Polizia eta Larrialdietako Euskal Akademiarekin duen hitzarmena indarrean dagoen ala ez, zinegotziak adierazi bezala, Akademia ez baita betetzen ari Udalaren beharrak asetzeko hitza, eta indarrean ez dagoela iriztekotan, korapiloa ebazteko, administrazio publikoen arteko lankidetzaren hitzarmenen administrazio araubideak eskaintzen dituen bideak urra ditzala, baita hitzarmena salatzeko eta administrazioarekiko auzi jurisdikzioaren esku jartzeko aukera ere.
- 2.- Donostiako Udaltzabazak hertsatuki eskatzen dio Udal Gobernuari dei dezala Polizia eta Larrialdietako Euskal Akademiaren eta Donostiako Udalaren arteko hitzarmenaren Jarraipen Batzordea, Akademiarekin argitzeko nola egingo duen hitzartutakoa bete dezan, lan poltsetako langileak gaitzeari, eta zehazki, euskaraz gaitzeari dagokionez.
- 3.- Donostiako Udaltzabazak hertsatuki eskatzen dio Udal Gobernuari azter dezala Polizia eta Larrialdietako Euskal Akademiaren eta Donostiako Udalaren arteko lankidetzaren hitzarmena aldatzeko aukera, Udalak berak aldi baterako langileen lan poltseta antolatuzko, eta hautatutako agenteek Akademiaren trebakuntza jaso ahal izan dezaten.

Donostia, 2022ko ekainaren 16an.

Zigor Etxeburua Urbizu
EH BILDU udal taldeko zinegotzia